



SIARAN MEDIA
MAJLIS AGAMA ISLAM DAN 'ADAT MELAYU PERAK

PELANCARAN MAYA
KAD PRABAYAR VISA GOPAYZ-MAIPK (TA'AWUN)

**KAD PRABAYAR VISA GOPAYZ-MAIPK MENAWARKAN PERKHIDMATAN
KEWANGAN MESRA MUSLIM YANG PERTAMA DI MALAYSIA**

IPOH, 1 Disember 2020 – Majlis Agama Islam dan 'Adat Melayu Perak (MAIPK) melancarkan produk terbaharu di pasaran iaitu Kad Prabayar Visa GoPayz-MAIPK (Ta'awun) melalui laman *Facebook* MAIPK iaitu Zakat Perak-MAIPK dan Waqaf Perak Ar-Ridzuan. Kad Prabayar ini boleh didapati secara fizikal ataupun maya, dikeluarkan oleh MAIPK dengan kerjasama GoPayz, iaitu *e-wallet* universal yang dibangunkan oleh U Mobile bertujuan membantu masyarakat Islam dengan menawarkan suatu produk kewangan digital terkini dengan pematuhan syariah untuk berbelanja dan menunaikan ibadah rukun dan sunat (muamalah) secara mudah yang pertama seumpamanya antara institusi agama Islam di Malaysia.

Menurut Ketua Pegawai Eksekutif MAIPK, Tuan Shahrul Azam bin Shaari, MAIPK sentiasa komited memperkasakan pembangunan ekonomi dan sosial umat Islam khususnya menerusi medium zakat dan wakaf. Inisiatif baharu ini memfokuskan semangat *ta'awun* (bantu-membantu) di mana MAIPK dan masyarakat saling bekerjasama secara tidak langsung untuk mengumpulkan dana wakaf tunai dan mewujudkan projek wakaf yang berdaya saing. Setiap perbelanjaan di premis terpilih akan membolehkan pelanggan mengumpul mata ganjaran yang akhirnya akan ditukarkan kepada hasil wakaf tunai. MAIPK seterusnya akan membangunkan projek-projek wakaf yang bersesuaian untuk kembali dimanfaatkan oleh masyarakat dalam negeri Perak. Pelancaran produk ini juga tepat pada masanya, di mana kita berusaha meminimalkan pergerakan fizikal dengan mengutamakan transaksi dalam talian.

Kad Prabayar ini berfungsi seperti Kad Debit Bank, para pelanggan boleh berbelanja di semua premis yang mempunyai terminal kad VISA dalam dan luar negara serta membuat pengeluaran tunai di terminal ATM. Walaupun konsep penggunaannya sama seperti Kad Debit Bank namun Kad Prabayar ini tidak memerlukan pengguna mempunyai akaun bank dan ia hanya menggunakan perkhidmatan kewangan digital yang berdaftar di bawah Bank Negara Malaysia (BNM) iaitu *e-wallet* GoPayz.

Ciri keselamatan Kad Prabayar ini adalah mengikut peraturan yang digariskan oleh Bank Negara Malaysia dan ianya dipertingkatkan lagi melalui aplikasi GoPayz, di mana pemegang kad juga boleh menyekat penggunaan kad melalui aplikasi GoPayz sekiranya kehilangan kad atau terdapat sebarang transaksi meragukan dengan serta merta. Kad ini juga produk “Mesra Muslim” iaitu menyekat transaksi yang tidak menepati Syari’ah seperti transaksi melibatkan perjudian, arak dan lain-lain. Kad Prabayar Visa GoPayz-MAIPk (Ta’awun) ini juga ditawarkan kepada semua pengguna di seluruh Malaysia dan boleh digunakan untuk pembayaran zakat, wakaf dan derma khususnya di negeri Perak.

Kad ini memudahkan pengguna untuk membuat pelbagai bayaran bukan sahaja perkhidmatan MAIPk bagi bayaran zakat, wakaf tunai dan derma malah perbelanjaan bulanan seperti bil utiliti dan membeli belah melalui medium aplikasi *e-wallet* GoPayz. Selain membuat semakan penyata transaksi secara *real-time*, aplikasi GoPayz juga dilengkapi Kalkulator Zakat bagi taksiran zakat sebelum membuat bayaran serta kemudahan potongan bayaran zakat secara ansuran bulanan.

Pengguna juga boleh mendapat mata ganjaran (GoPointz) bagi transaksi Zakat, Wakaf Tunai dan Derma dengan MAIPk serta mata ganjaran (GoPointz) dengan syarikat atau premis lain yang terpilih. Mata ganjaran Kad Ta’awun membolehkan ianya diwakafkan terus kepada MAIPk, memberi keistimewaan dan peluang kepada pengguna untuk menambah ibadah wakaf tanpa mengeluarkan tunai dengan Program Penukaran Automatik GoPointz kepada Wakaf Tunai MAIPk.

Pengguna yang memohon Kad Prabayar Visa GoPayz-MAIPk (Ta’awun) dari sekarang sehingga 31 Disember 2020 boleh mendapat kad tersebut secara percuma di semua cawangan MAIPk seluruh Negeri Perak terhad kepada 2,500 unit terawal. Pemilik kad baharu juga akan menikmati 100% pulangan tunai (cashback) Fi Kad berjumlah RM16 melalui permohonan Kad Prabayar Visa GoPayz-MAIPk (Ta’awun) fizikal melalui aplikasi GoPayz atau laman web GoPayz terhad kepada 1500 unit terawal. Tambahan lagi, pengguna baharu

akan mendapat 2 bulan komplimentari perlindungan takaful keluarga serta layak untuk menyertai semua promosi GoPayz yang tersedia untuk pemegang akaun.

Untuk maklumat lanjut, sila layari www.maiamp.gov.my atau www.gopayz.com.my


GoPayz kini merevolusikan cara pengguna membayar dan menggunakan perkhidmatan kewangan. Dari insurans mikro hingga pelaburan harta, GoPayz membolehkan semua orang mengakses perkhidmatan kewangan yang berpatutan pada bila-bila masa dan di mana sahaja. Fokus kami adalah untuk membangunkan perkhidmatan kewangan digital inovatif yang mampu meningkatkan gaya hidup pengguna dan kami percaya bahawa akses kepada perkhidmatan kewangan adalah asas di mana jenama kami dibina. Untuk maklumat lanjut mengenai produk dan perkhidmatan GoPayz, sila kunjungi www.gopayz.com.my atau hubungi perkhidmatan pelanggan GoPayz di talian +6018 388 3388.

Diedarkan oleh:

MAIPk dan GoPayz

Untuk pertanyaan lanjut, sila hubungi:

GoPayz	MAIPk
Sarah Chan Hsiao Yen Bahagian Penjenamaan Korporat dan Komunikasi +6018 200 0755 sarah.chan@u.com.my	Bahagian Pemasaran 05-2084100 korporat@maiamp.gov.my


(SHAHARUL AZAM BIN SHAARI)
Ketua Pegawai Eksekutif,
Majlis Agama Islam dan 'Adat Melayu Perak
15 Rabiulakhir 1442H / 01 Disember 2020